

برنامج 3 دقائق _ الحلقة الأولى (أفضل من الشهيد)

علاء حامد

الحمد لله والصلاة والسلام على رسول الله وبعد. آآ كونك دلوقتي بتتفرج على الحلقة الاولى من برنامجنا. دي نعمة عظيمة جدا. مش النعمة انك انت بتتفرج على الحالة الاولى لكن - [00:00:00](#)

معنى انك انت دلوقتي بتتفرج انك انت ادركت رمضان. وكونك ادركت رمضان. يعني انت دلوقتي في اول يوم من رمضان دي نعمة كبيرة جدا من ربنا عشان تدرك آآ قد ايه النعمة ديت عظيمة؟ خليني احكي لك قصة صغيرة. قصة طلحة بن عبيد الله لما كان مع النبي عليه الصلاة والسلام وفي اتنين جم اسلموا - [00:00:21](#)

معا عند النبي عليه الصلاة والسلام مع بعض. الاتنين اسلموا مع بعض. بعد كده طلحة كان بيتابع الاتنين. قعد يتابع الاتنين لقي ان فيه واحد اكر من الثاني في العبادة. واحد شادد حيله والثاني على قده. بعد فترة الاتنين دخلوا معارك. الاولاني مات في معركة شهيد. والثاني عاش بعديه - [00:00:41](#)

واحدة وبعد كده مات على فراشه عادي جدا. مش دي المشكلة؟ المشكلة ان طلحة بعد كده نام وشاف رؤية في المنام ان هو على باب الجنة ان فيه منادي طلع من باب الجنة وكان الاتنين دول واقفين جنب طلحة. فالمنادي نادى على الثاني اللي هو كان اقل اجتهادا واللي هو مات على الفراش - [00:01:01](#)

ادخل الجنة. بعد كده طلع المنادي ثاني ونادى على الاول اللي هو مات في المعركة اللي كان اكر اجتهادا. وقال ادخل الجنة. طبعاً طلحة قام من النوم مش مصدق. مستغرب جدا. راح للنبي عليه الصلاة والسلام مزهول. فحكى للنبي عليه الصلاة والسلام القصة - [00:01:21](#)

النبي كأنه ما استغربش. فقال للطلحة قال له انت ايه اللي مستغربه؟ مش الراجل الثاني عاش سنة بعد الاولاني؟ قال له تمام عاش سنة. قال وفي هذه السنة ادرك رمضان وصام وصلى كذا وكذا من الركعات قال له صح. قال يا طلحة ما بينهما في الجنة كما بين السماء - [00:01:41](#)

ايها الارض يبقى فهمت يعني ايه نعمة انك انت ادركت رمضان عرفت يعني ايه قيمة انك انت الان في ناس ماتوا في رمضان قبل رمضان دوت وانت ربنا علشان تدرك رمضان جديد نعمة محتاجة منك - [00:02:01](#)

تذكر النعمة ديت بقلبك بلسانك تشكرها بالاجتهاد في الصلاة الاجتهاد في قراءة القرآن الاجتهاد في الصدقة يمكن لو احسنت شكر النعمة دي ربنا يمن بـرمضان ثاني وتالت وعاشر. وربنا يتقبل منا ومنكم. ونشوفكم في حلقة جاية ان شاء الله. السلام عليكم ورحمة الله - [00:02:15](#)